

史料旬刊

第二十七期

史料旬刊

第二卷 第一期

中華民國二十年二月二十一日出版

史料旬刊第二十七期

編輯所 故宮博物院文獻館  
發行所 神武門外發售室  
印刷所 京華印書局



| 價目表          |      | 郵費                 |      |
|--------------|------|--------------------|------|
| 每旬一冊         | 四角   | 外埠                 | 每期一角 |
| 預定半年<br>十八冊  | 六角五角 | 外國                 | 每期二角 |
| 預定全年<br>三十六冊 | 十二元  | 本院發寄刊物均交郵局掛號遞送以免遺失 |      |

本市 商務印書館 中華書局  
上海 文明書局 世界書局及  
天津 其他各大書店均有代售

史料旬刊第二十七期目錄

老官齋案 原件藏三所

(一) 訥 親摺

(二) 訥 親摺二

(三) 新 柱摺

(四) 新 喀爾吉善  
潘思 集 摺

(五) 喀爾吉善摺

管安徽巡撫事張師載奏明高堰山盱等處風暴打壞石工淹沒船隻人口情形並非外越埽工停修之故摺 原件藏三所

準噶爾夷人貿易案 原件藏三所

(一) 策 楞  
岳鍾 琪 摺

(二) 黃廷桂摺四

(三) 黃廷桂摺五

高樸私鬻玉石案 原件藏三所



(一)郝 碩摺

(二)巴延三摺十三

(三)伊齡阿摺五

(四)王亶望摺

(五)王亶望摺二

(六)伊齡阿摺六

(七)伊齡阿摺七

(八)伊齡阿摺八

(九)楊 魁摺十二

(十)楊 魁摺十三

河南青陽教案 原件藏三所

(一)徐 績摺

(二)榮 柱摺

(三)徐 績摺二

(四) 榮 柱摺二

彙核嘉慶十七年各直省錢糧出入清單 原件藏三所 (五續)

地丁項下

(一) 貴州省

鹽課項下

(二) 長蘆

(二) 山東

(三) 河東

(四) 兩淮

(五) 兩浙

(六) 福建

(七) 廣東

老官齋案

訥 親摺

大學士果毅公臣訥親謹奏竊臣于二月二十八日奉到諭旨令將老官齋一案如何易于就擒之處詳悉詢問喀爾吉善臣因喀爾吉善未經來浙當即抄錄諭旨飛遞該總督閱看並抄致該督令將現在官兵拿獲兇徒情形遵旨查明據實具奏臣又以福建學政吳嗣爵來署備述此案情形因即據該學政所聞先行繕摺具奏間本月初三日又奉到諭旨令臣將甌寧一案一切應行詢問之處行文密詢喀爾吉善俟伊覆到時即行奏聞欽此臣遵即將此案一切應行詢問之處逐一開寫飛即行文密詢該督令其詳晰具覆俟該督覆到之日繕摺恭奏再臣前奉諭旨已經札致喀爾吉善令其查明具奏該督自必先行奏覆合併聲明又欽奉上諭令唐綏祖即速起身前赴東省料理一切災務一入山東地方酌看情形有應行辦理之處即令妥協辦理等因臣查唐綏祖于二月二十五日患病起至今尚未全愈是以常安參奏各款猶未質問今欽奉諭旨臣即令御史馬燦前至該員寓所察看見其病勢已退此時若傳喚到

案質審其氣體尙在怯弱難以前來如令由浙至東在舟中數日內便可調理痊癒隨令宣示綸音該員已奉命即日起程矣至其被參各款現在提齊案內各犯證覆加研訊如與原審相符仍照原題定案如果各犯所供有與從前互異應行詢問唐綏祖之處臣等先行繕摺具奏路過山東再行面詢明白繕本具題合行一併奏明伏祈睿鑒臣謹奏乾隆十三年三月初三日硃批覽奏俱悉

諭 親摺二

大學士果毅公臣訥親謹奏爲奏聞事竊臣于二月十八日在杭州接到喀爾吉善札稱近因建寧府屬老官齋奸民聚衆謀爲不軌雖已擒捕解散現須拿獲餘黨安輯鄉民新任巡撫尙未到閩地方重大不敢遽行赴浙已將情由繕摺奏明等語臣以此案情由並該督不能到杭之處業據奏明是以未經陳奏現今喀爾吉善尙未來浙臣于二月二十八日辰刻奉到上諭並武進陞奏摺隨卽敬謹抄錄飛寄喀爾吉善遵旨辦理去訖又于是日戌刻奉到上諭二道

其陳學愈行賄一件臣現在遵旨提齊人犯嚴審外至老官齋聚衆千人而官兵民壯不滿百人即能就擒之處奉旨令臣詳悉詢問喀爾吉善一件臣當即抄錄諭旨飛寄該總督令其將官兵拿獲兇徒情形遵旨查明據實具奏再二月二十六日臣在杭署有前任福建學政吳嗣爵自福建赴京過杭來署接見臣將老官齋一案詳加詢問據稱建安甌寧地方有老官齋一教平素誘人喫齋從教詭言可以成佛其喫齋之時每月一二次或數十人或近百人至期聚集率以爲常上年十一月內因訪拿延平府順昌縣匪犯何老妹一案聞有彼處藏匿曾經差人緝訪值其正在建安縣離城五六十里之北坪地方聚集多人念經喫齋因將伊法師拘拿三人監禁奸民等于正月初四等日起意刼獄有十四日聚齊十五日攻建寧城傳帖遂于十五日聚衆搶刼經過村莊八九處迫脅居民同行從者即給與包頭布令執器械跟隨不從者便欲殺害百姓聞風逃避其未及走脫者不得不附和同行所過之處燒燬居民房屋搶刼銀米護理建寧總兵印務遊擊劉啓宗建寧府知府徐士俊聞報即派把總吳雄卓士起各帶兵四十餘名甌寧縣縣丞程述祖驛丞朱國相帶領民壯四十名

前往探捕午刻至離城十五六里之單嶺頭地方其地甚隘易於阻截撞遇奸民上前拒敵兵役當場拿獲兇徒八名把總吳雄被奸匪刀傷手腕把總卓士起酉刻率兵攻打三次奸徒被傷被殺者甚多又見官兵奮勇擒捕遂各奔散收獲烏鎗手鎗腰刀大小旗黃紙符並包頭布等件其包頭布上均印無極聖祖圖記爲號十六七等日護總兵劉啓宗就近調到延平兵三百名到建會同搜捕餘黨陸續撤回其省城兵三百名於十八日夜派往十九日夜卽行撤回未曾到建此案沿途留心查訪奸民聚集有稱千餘人者有稱數千人者大半一時烏合本無鬪志況器械旣非銳利又未素習聞烏鎗只二十餘桿刀鎗半多鈍缺而官兵阻截之單嶺地方正在扼要之處對敵時用連環鎗間發小砲故官兵雖少而匪徒殺傷甚多且奸徒聞知官兵尙有陸續調到是以立時瓦解又聞此案爲首係女犯普少已經殺死伊夫朱金標尙未拿獲總領首犯魏現亦未獲又自稱元帥首犯普照普才普衡普覺普法普澤普潔現獲四名殺死二名未獲一名此等奸徒該地居民受其荼毒無不切恨故見有包頭布踪跡已露者即會齊設法誘擒解官其各處喫老官齋者同村隣佑原屬悉知因

此案事發恐致連累故各鄉之人或竟行拿解或指名報官會擒現在建甯府監內已有二百餘名至奸匪焚掠各村庄俱係山僻居民未盡復業現在招徠其附近府城居民十五六等日俱紛紛挈家躲避至十九二十日以後陸續搬回昨于二月初五日過建甯見人情安帖無異平時等語臣思該學政吳嗣爵自閩來浙道經建甯此案始末係伊彼時在該處訪聞似屬確切今蒙皇上欲悉此案兇徒就擒緣由臣謹將該學政所述情形先行奏聞臣謹奏乾隆十三年三月初三日硃批知道了

新 柱 摺

福州將軍兼管閩海關事務臣新柱謹奏爲遵旨會同查辦並陳明訪查奸民聚衆肆逆原委仰祈聖鑒事乾隆十三年三月初七日接到軍機處字寄乾隆十三年二月十八日奉 上諭福建甌寧縣奸民聚衆一案至于傷及兵民不法已極現據提督武進陞奏報陸續拿獲匪犯餘黨悉已解散等語但首惡未擒遽行撤兵恐根株尙未淨盡又致別生事端已令武進陞以查汛爲名帶兵親

往彈壓新柱所轄旗兵本爲鎮壓地方倘有應行接應之處卽令親帶旗兵前往擒捕伊係全省將軍即綠營亦可調遣總在相機辦理時刻留心探聽閩省距京數千里萬一有事不可拘奏聞辦理之例致失機宜若竟安靜無事此案現有旨令喀爾吉善會同新柱查辦卽不必急于舉動仍候喀爾吉善到日酌帶兵弁一同前往查審閩省俗悍民刁由來已久此番兇惡不比尋常務須竭力整頓卽過于嚴刻亦爲戢暴安良起見不可稍存姑息以貽後患可一併傳諭知之欽此遵旨寄信到臣伏查此案據護鎮劉啓宗等節次稟報邪教聚衆謀爲不軌官兵奮勇攻殺搜捕情形及臣與督臣喀爾吉善先後商辦緣由業經三次會摺奏聞在案至此案臣於初接鎮府會稟之時查其所稟情形係邪教惑衆驟集千人且去府城不遠輒敢揚旗鳴鑼拒傷官兵肆行不法非尋常盜賊可比又原稟內並未聲明起事根因恐地方官畏懼處分隱匿實情貽患匪細當即差委臣標千總危執中唐紹祖星馳前往該處察探匪徒踪跡及聚謀起事根因搶掠村莊殺傷官兵確情賊黨多寡據實稟覆以便相機酌辦去後茲據該弁等先後回省稟稱老官齋係羅教改名卽大乘教傳自浙江處州

府慶元縣姚姓遠祖普善遺有三世因由一書托言初世姓羅二世姓殷三世姓姚見爲天上彌勒號無極聖祖無論男婦皆許入會吃齋入其教者概以普字爲法派命名其會衆俱稱爲老官閩省建甌二縣男婦從教吃齋者甚多初止移立地方設有齋堂一處名齋明堂會首陳光耀即普照能坐功參道後周地村亦立有千興堂會首江華章即普才芝田村立有得遇堂會首魏華勝即普騰七道橋立有興發堂會首黃朝尊即黃朝莊埂尾村立有純仁堂會首王大倫共爲五堂各堂入會男婦每逢朔望各持香燭赴堂念經聚會每次人數多寡不等慶元縣姚姓後裔姚普益姚正益每年來閩一次各堂入會吃齋之人欲其命名者每名給銀三錢三分以供普善香火乾隆十二年十一月間有移立齋明堂會首陳光耀在街搭蓋篷廠聚集多人念經點蠟被鄉長陳瑞章等稟報甌寧縣委縣丞程述祖往查拿獲陳光耀等五名監禁未經發落本年正月各堂齋頭恐開印訊究連及會衆內有金山崗馮應漢案內有名逃犯葛竟仔同伊妻舅魏現與七道橋會首黃朝尊又名黃朝庄并同會朱錦標又號彌勒團之妻女巫嚴氏稱老官娘又稱朱小娘法名普少遂商謀煽惑普少即

嚴氏捏稱坐功上天師父囑咐今應彌勒下降治世哄誘會衆葛竟仔魏現黃朝庄遂起意聚衆入城劫獄救出陳光耀等並乘勢搶掠富戶私造僞劄兵簿旗幟令參謀李潘書寫僞立元帥總帥總兵副將遊擊守備千總各名目就各會衆內搜尋舊存鳥鎗鎗刀器械火藥並製綢布包頭蓋用無極聖祖圖記各給一塊以作標記正月十二日普少卽嚴氏假托降神讖語捏稱彌勒佛要入城魏現黃朝尊官月照等分路糾約定於十四日齊集各堂十五日各執器械擡迎菩薩進城先期將各處路口把守只許進山不許出山有練總爬山赴縣稟報建安縣猶以爲妄言不理十五日早賊衆於芝田祭旗普少卽嚴氏坐轎張蓋率衆先行令鄉人扛擡神像一路跳躍魏現黃朝尊李潘官月照王大倫葛竟仔等分起前進沿途迫脅村民愚懦者給與包頭布勒令隨行不從者即焚燬其房屋幸各村鄉民於十三四等日多知覺風聲男婦老幼先已躲匿深山細軟衣飾財物各隨身帶出粗重家伙米穀猪畜等項或被搶掠或被燒燬其有先未及知之村民男婦不曾準備迨賊至倉卒奔逃者老婦幼孩多有傷損賊衆經過高堀瓊溪張墩后山朱藍堀下坪房村墻峽口邱嶺九村共燒燬

房屋五百一十四間計一百九十三家當十五日早賊衆擡神前進之頃有九  
際嶺塘兵探聞從山路僻境盤出赴府報知文武衙門當經鎮府差派把總吳  
雄帶兵四十名縣丞程述祖驛丞朱國相帶民壯四十名往探又差把總卓士  
起帶兵四十名接應于是日未刻至單嶺頭遇賊鳴鑼掌號擡神前進把總吳  
雄上前攔阻被賊舉刀砍傷右手馬兵何長貴向賊奪取旗幟被賊用鳥鎗打  
傷身死左營鎗手徐興即上前將執旗賊犯打倒搶獲大旗一面腰刀一口衆  
兵一齊開鎗打死賊犯數人隨後把總卓士起帶兵趕前接應因山徑窄狹賊  
皆魚貫而行官兵奮勇攻殺前行賊衆多被殺傷在後羣賊望見胆落四散奔  
逃收獲賊械旗幟包頭把總吳雄因被傷回郡護鎮劉啓宗聞報又差守備任  
琦把總黃大捷帶兵一百名至七道橋駐劄十六日入山搜捕查勘被燒村莊  
房屋高掘樹林內縊死賊犯一名官兵縣役各處搜擒賊人並所搶衣布錢文  
解府十七日延協守備李玉堂帶兵三百名到建分兵一百名貼防府城其餘  
二百名隨該備進山搜捕與守備任琦等會合在於各處擒拿黨犯先後統計  
三百餘人陸續解府隨地招諭村民復業文武各衙門出示安民被殘村莊男

婦或搭篷樓止或依附親戚俱各竄帖其女巫普少就於十五日被害村民打死葛竟仔被房村街鄉民哄醉殺死王大倫林元清江元郎亦被鄉民打死其餘對敵被官兵鎗打殺死併搜山捕殺以及自盡賊犯難計人數無名可查至賊衆所執大小旗藍白不一或書無爲大道或書代天行事或書無極聖祖或書勸富濟貧或書令字或書招軍全賊遣烏鎗刀棍手鎗火藥包頭綢布僞劄兵簿經識圖記等項俱經官兵收獲送府普少葛竟仔身屍亦解府查驗其陸續擒獲僞稱元帥總帥總兵等號之要犯范林聖等並續獲普少之夫朱錦標現在分起解省在逃要犯魏現黃朝尊懸賞緝拿其被難各戶先經府縣委員賑恤每名給銀五錢續又每名加賑銀五錢二月初七日又經理事同知許逢元奉委押解賑恤銀兩到建會同甌寧縣遍往各村按戶查卹鄉民歡悅感頌惟云老官齋立堂聚會已非一日平日府縣不行查禁致此輩作惡害人反要上司費心各村民如出一口初八日守備任琦先帶兵五十名回郡建甯府城外大州地方百姓感其禦賊保民結綵燃燈迎守備回營延協守備李玉堂所帶官兵先於正月二十八日撤回令埂尾地方安千總一員帶兵五十

名住劄防守各賊首住房併齋堂房屋俱經官封固千總等奉令密探明白據實回稟等情臣查所探情節與鎮道節次稟報雖不甚懸殊但其起事根因實由奸民設堂聚會吃齋念經邪教煽惑以致釀成不軌貽禍良民地方官平日不能察緝奸宄消患未萌玩縱之咎誠難寬貸正在繕摺奏聞間接奉寄到諭旨訓示周詳臣跪誦之下彌深悚惕此後惟有隨時隨事刻刻留心探聽相機辦理不敢拘泥常例以仰副聖主委任之至意至督臣喀爾吉善因匪案關係緊要尙未赴浙今此案要犯業已解禁省監該地村民俱已復業地方安靜臣可無庸帶兵前往再新撫臣潘思榘已經到任除欽奉諭旨密咨督臣會同查辦並咨撫臣一體欽遵外臣查此案逃犯內魏現黃朝尊即黃朝庄係與女巫嚴氏商謀聚衆爲逆造劄糾匪擅立元帥等名設簿招兵均係大逆渠魁雖經督臣分遣將弁四路搜緝但日久未獲恐致遠颺別滋事端臣隨密派臣標右營遊擊李醞酌帶弁兵前往延平建寧並附近該地之汀邵屬邑各境內密行訪緝務期必獲再此案先後拿獲人犯除解省要犯外其餘據道府訊報或止吃齋或被迫脅均非同謀助逆但恐賊黨畏罪狡飾或承問官心存姑息不加